



Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1858

2190. Markgraf Otto stiftet die Stadt Stargard, am 11. Januar 1259.

Nutzungsbedingungen

[urn:nbn:de:hbz:466:1-56621](https://nbn-resolving.org/urn:nbn:de:hbz:466:1-56621)

cuset, tunc enim homines suos mittet et hoc nobis in auxilium faciet, dummodo a nobis sex septimanis antea commonitus habeatur. Ipsi etiam et suis quamdiu ibidem fuerint expensas ministrabimus integraliter ac perfecte. Preterea idem Marchio nobis tenebit sexaginta armatos interim quod prelium nostrum durat in Marchia Lusicensi vel in Zarowe, secundum quod nobis magis utile fuerit et acceptum. Si vero fratri nostro B. de terra teutonie ultra ducentos armatos in auxilium venerint, idem Marchio armatos totidem nobis mittet, ut terram nostram defensare possimus. Et si aliquis princeps teutonie cum potentia contra nos veniret, idem Marchio ad defensionem intrabit personaliter terram nostram, nisi ipsum legitima causa excuset, et tunc homines suos mittet, ut eandem terram nostram suo possimus auxilio defensare. Si autem pauciores quam ducenti eidem fratri nostro in auxilium venerint, marchio illos homines, quos in confinio habet polonie, in subsidium nobis mittet. Preterea castrum Scidelowe ipsi Marchioni presentabimus ante festum beati Johannis baptiste, quod si non faceremus, trecentas marcas argenti Misnensis ponderis sibi in festo Michaelis solvemus. Si vero castrum Scidelowe per se obtineret et per amiciciam ab Andrea, qui nunc idem possidet, haberet, tunc nos eidem Andree et suis servis restaurum in bonis nostris propriis in feodo triginta duarum marcarum faciemus, quod feodum jam a dicto marchione jure optinent feudali, et nihilominus nos eidem marchioni trecentas marcas solvemus. Preterea nullus Ministerialis vel vasallus Marchionis ipsius contra nos dicto fratri nostro astabit. Quodsi fieret, marchio erit inimicus illius, sicut nos fuimus atque sumus. Datum Misne, Anno Domini M^oCC^oXLVIII^o, XII. Kalendas Maji, Septime indictionis.

Nus 2. v. Ledebur's Allg. Archiv VII, 61.

2190. Markgraf Otto stiftet die Stadt Stargard, am 11. Januar 1259.

In nomine Domini amen. Otto, Dei gratia Marchio Brandenburgensis, omnibus in perpetuum. Temporum mobilitas et humane conditionis instabilitas exigit, ut ad notitiam posterorum gesta precedentium commissa commaneant, ne per oblivionem, que est posteritatis inimica, veritas obnubiletur et dubii questio generetur. Hinc est, quod constare volumus tam presentibus quam futuris, quod nos oppido Stargarde adjecimus quinquaginta mansos, quos agriculture deputamus, sub hac forma, ut de quolibet manso tres solidi Brandenburgensis monete nobis annis singulis exsolvantur. Insuper adjecimus sedecim mansos, quos pascuis assignamus, ad communem utilitatem burgenfium nostrorum, commodum et profectum. Volentes etiam burgenfibus nostris in dicto oppido nostro commorantibus gratiam facere specialem, eisdem indulgemus, quod de rebus minoribus, piscibus recentibus scilicet, butyro, caseis, pullis, ovis, pultibus et ceteris leguminibus, lino et panno lineo et aliis rebus minoribus nulli omnino hominum ad danda thelonia teneantur. Si vero aliqui ejusdem oppidi burgenfibus pisces, halec vel aliquas alias merces spe lucri et profectus in ipsum oppidum adduxerint,

eisdem a theloneo absolvimus, dum in ulterius merces easdem non deducant; si vero ad alia loca merces suas deducere voluerint, ipsi sicut et ceteri deducentes consuetum nobis exsolvant thelonium, secundum quod in veteri civitate nostra Brandenburg observatur. Insuper concedimus burgenfibus nostris supradictis, si quid utilitatis et commodi in foro ejusdem [civitatis] propriis poterunt construere laboribus et expensis, ut hoc communi consilio in usum oppidi convertere possint libere et secure. Volumus etiam ut predicti oppidi nostri burgenfenses in omnibus nostri domini civitatibus, oppidis, villis seu locis aliis, ad que cum suis rebus et mercibus accesserint, ab exactione thelonii sicut et homines nostrarum civitatum ceterarum liberi sint penitus et exempti, et in omnibus eo jure gaudeant, quo jure homines veteris civitatis nostre Brandenburg hactenus sunt gavis. De hospitibus vero in rebus eorum vendendis et etiam abducendis idem observari volumus, quod in civitatibus nostris Brandenburg nova et veteri observatur. Ut autem predicta omnia stabilia perseverent, presentem paginam cum testium subscriptione conscribi iussimus et sigilli nostri munimine roborari. Nomina testium sunt hec Henricus pincerna de Spandow, Albertus de Redern, Henricus de Sidow marschalcus, Bartholdus de Stendel magister coquine, Albertus de Wodenswege, Henricus de Wodenswege advocatus in Stargarde, Albertus prepositus in Stendel, et alii quam plures. Datum Stargarde, anno Domini M^oCC^oLIX^o, tertio Idus Januarii.

Aus Boll's Gesch. des Landes Stargard I, 289. 290.

2191. Markgraf Otto bestätigt die Privilegien der Stadt Neu-Brandenburg,
am 2. Februar 1261.

In nomine sancte et individue Trinitatis. Otto, Dei gracia Marchio, omnibus in perpetuum. Mutabilium temporum successio etc. Ut autem haec nostra collatio in perpetuum stabilis perseveret, praesentem paginam dictae civitati duximus sigillandam. Hujus rei testes sunt Eiertto marschalcus de Dewitz, Henricus de Wodenswege advocatus in Stargard, Henricus Spole, Hermanus de Staffeld, Henricus de Bertecow, Henricus Spiet, Hermanus de Radenbeck, Johannes noster notarius, et quam plurimi. Acta sunt in Stargard, anno Domini MCCLXI^o, II. Febr.

Nach Boll's Gesch. des L. Stargard I, 291.

Amm. Dieses durch viele Lese- oder Druckfehler entstellte Fragment theilt von Hacken in der Geschichte der Vorderstadt Neu-Brandenburg, 1783, p. 20 mit, ohne anzugeben, woher es entlehnt sei. Statt Eiertto de Dewitz ist vielleicht Echarodus de D., statt Henricus Spiet wohl H. Splinter zu lesen.